

女

科



20196

女

科

傅
山
著

中
華
書
局

20193

叢書集成初編

女 科

中 華 書 局 出 版 發 行

(北京王府井大街三十六號)

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：一 七 〇 一 八 · 一 五 一

女
科

此據海山仙館叢
書本排印初編各
叢書僅有此本

序

執成方而治病。古今之大患也。昔人云。用古方治今病。如拆舊屋蓋新房。不經大匠之手。經營如何得宜。誠哉是言。昔張仲景先生作傷寒論。立一百一十三方。言後世必有執其方以誤人者。甚矣成方之不可執也。然則今之女科一書。何爲而刻乎。此書爲傳青主徵君手著。其居心與仲景同。而立方與仲景異。何言之。仲景傷寒論雜症也。有五運六氣之殊。有中表傳裏之異。或太陽太陰。不一其稟。或內傷外感。不一其原。或陽極似陰。陰極似陽。不一其狀。非精心辨症。因病製方。斷不能易危就安。應手卽愈。此書則不然。其方專爲女科而設。其症則爲婦女所同。帶下血崩。調經種子。以及胎前產後。人雖有虛實寒熱之分。而方則極平易。精詳之至。故用之當時而效。傳之後世而無不效。非若傷寒雜病。必待臨症詳審。化裁通變。始無貽誤也。嘗慨後世方書。汗牛充棟。然或偏攻偏補。專於一家。主熱主寒。堅執謬論。炫一己之才華。失古人之精奧。仲景而後。求其貫徹靈素。能收十全之效者。不數數觀。讀徵君此書。談症不落古人窠臼。制方不失古人準繩。用藥純和。無一峻品。辨症詳明。一目了然。病重者十劑奏功。病淺者數服立愈。較仲景之傷寒論。方雖不同。而濟世之功則一也。此書晉省

鈔本甚夥。然多祕而不傳。間有減去藥味。錯亂分量者。彼此參證。多不相符。茲不揣冒昧。詳校而重刊之。竊願家置一編。遇症翻檢。照方煎服。必能立起沉痾。並登壽域。或亦濟人利世之一端也夫。

道光十一年新正上元。同里後學祁爾誠謹序。

序

青主先生。於明季時。以諸生伏闕上書。訟袁臨侯冤事。尋得白。當時義聲動天下。馬文雨義士傳。比之裴瑜魏劭。國變後。隱居峴嶺山中。四方仰望丰采。己未鴻詞之薦。先生堅臥不起。有司敦促就道。先生卒守介節。聖祖仁皇帝鑒其誠。降旨。傳山文學素著。念其年邁。從優加銜。以示恩榮。遂授內閣中書。聽其回籍。蓋其高尚之志。已久爲聖天子所心重矣。而世之稱者。乃盛傳其字學與醫術。不已細哉。字爲六藝之一。先生固嘗究心。若醫者。先生所以晦迹而逃名者也。而名卽隨之。抑可奇矣。且夫醫亦何可易言。自後漢張仲景。創立方書以來。幾二千年。專門名家。罕有窮其奧者。先生以餘事及之。遽通乎神。余讀兼濟堂文集。並舩牘諸書。記先生軼事。其診疾也。微而減。其用方也。奇而法。有非東垣丹溪諸人所能及者。昔人稱張仲景有神思而乏高韻。故以方術名。先生旣擅高韻。又饒精思。賢者不可測如是耶。向聞先生有手著女科並產後書二冊。未之見也。近得鈔本於友人處。乙酉。適世兄王奎章來省。試具道李子緝中賢。至丙戌冬。果寄貲命付劖劂。甚盛德事也。故樂爲序而行之。並述先生生平大節。及聖朝廣大之典。不禁爲之掩卷而三歎也。道光丁亥夏五月。丹崖張鳳翔題。

女科上卷目錄

共三十八條
九症四十一方

帶下

白帶完帶湯

青帶加減逍遙散

黃帶易黃湯

黑帶利火湯

赤帶清肝止淋湯

血崩

昏暗固本止崩湯

年老血崩加減當歸補血湯

少婦血崩固氣散

交感血出引精止血湯

鬱結血崩平肝開鬱止血湯

女科 目錄

閃跌血崩逐瘀止血湯

血海太熱血崩清海丸

鬼胎

婦人鬼胎蕩鬼湯 紅花露散

室女鬼胎蕩邪散 調正湯

調經

經水先期水火太旺清經散 火旺水虧兩地湯

經水後期溫經攝血湯

經水前後無定期定經湯

經水數月一行助仙丹

年老經水復行安老湯

經水忽來忽斷時疼時止加味四物湯

經水未來腹先疼宣鬱通經湯

行經後小腹疼痛調肝湯

經前腹疼吐血順經湯

經水將來臍下先疼痛溫臍化滯湯

經水過多加減四物湯

經前先洩水健固湯

經前大便血順經兩安湯

年未老經水斷益經湯

種子

身瘦不孕養精種玉湯

胸滿不思食不孕井提湯

下部冰冷不孕孕溫胞飲

胸滿少食不孕孕溫土毓麟湯

少腹急迫不孕孕寬帶湯

嫉妬不孕開鬱種玉湯

肥胖不受孕加味補中益氣湯

骨蒸夜熱不受孕清骨滋腎湯

腰酸腹脹不受孕升帶湯

便澀腹脹足浮腫不受孕化水種子湯

下卷

共三十九條四十一
症四十二方二法

妊娠

惡阻順肝益氣湯

浮腫加減補中益氣湯

少腹疼安奠二天湯

口乾咽疼潤燥安胎湯

吐瀉腹疼授土固胎湯

子懸脅疼解鬱湯

跌損救損安胎湯

胎漏助氣補漏湯

子鳴扶氣止啼湯

腰腹疼渴汗燥狂卽子狂息焚安胎湯

中惡消惡安胎湯

多怒墮胎利氣洩火湯

小產

行房不慎固氣填精湯

跌閃理氣散瘀湯

大便乾結加減四物湯

畏寒腹疼黃芪補氣湯

大怒引氣歸血湯

難產

血虛送子丹

交骨不開降子湯

腳手先下轉天湯

女科 目錄

氣逆舒氣湯

子死產門救母湯

子死腹中療兒散

正產

胞衣不下逐胞湯 補中益氣湯

氣虛血暈補氣解暈湯

血暈不語刺眉心穴法 獨參湯 當歸補血湯

敗血攻心暈安心湯

腸下補氣升腸湯 草麻仁提法

產後

少腹疼血瘀散結定瘀湯 血虛腸寧湯

氣喘救脫活母湯

惡寒身顫十全大補湯

惡心嘔吐溫腎止嘔湯

血崩救敗求生湯

手傷胞胎淋漓不止完胞湯

四肢浮腫轉氣湯

肉線出兩收湯

肝痿收膜湯

氣血兩虛乳汁不下通乳丹

鬱結乳汁不通通肝生乳湯

女科上卷

陽曲傳 山青主手著

白帶下一

婦科一門最屬難治。不難於用方。難於辨症也。五帶症辨之極明。立方極善。倘用之不效者。必其人經水不調。須於調經種子二門參酌治之。無不見效。即如白帶症。倘服藥不效。其人必經夫帶下俱是溼症。而以帶名者。因帶脈不能約束。而有此病。故以名之。蓋帶脈通於任督。任督病而帶脈始病。帶脈者。所以約束胞胎之系也。帶脈無力。則難以提繫。必然胎胞不固。故曰帶弱則胎易墜。帶傷則胎不牢。然而帶脈之傷。非獨跌閃挫氣已也。或行房而放縱。或飲酒而顛狂。雖無疼痛之苦。而有暗耗之害。則氣不能化經水。而反變爲帶病矣。故病帶者。惟尼僧寡婦出嫁之女多有之。而在室女則少也。況加以脾氣之虛。肝氣之鬱。溼氣之侵。熱氣之逼。安得不成帶下之病哉。故婦人有終年累月下流白物。如涕如唾。不能禁止。甚則臭穢者。所謂白帶也。夫白帶乃溼盛而火衰。肝鬱而氣弱。則脾土受傷。溼土之氣下陷。是以脾精不守。不能化榮血以爲經水。反變成白滑之物。由陰門直下。欲自禁而不可得也。治法宜大補脾胃之氣。稍佐以舒肝之品。使風木不閉塞於地中。則地氣自升騰於天上。脾氣健而溼氣消。自無白帶之患矣。方用完帶湯。

水過期。少腹急迫。宜服寬帶湯。餘宜類參。方見二十三。

白朮。一兩。山藥。一兩。人參。二錢。白芍。五錢。車前子。三錢。蒼朮。三錢。甘草。一錢。陳皮。五錢。黑芥穗。五分。柴胡。六分。

水煎服。二劑輕。四劑止。六劑則白帶全愈。此方脾胃肝三經同治之法。寓補於散之中。寄消於升之內。開提肝木之氣。則肝血不燥。何至下尅脾土。補益脾土之元。則脾氣不溼。何難分消水氣。至於補脾而兼以補胃者。由裏以及表也。脾非胃氣之強。則脾之弱不能旺。是補胃正所以補脾耳。

青帶下二

婦人有帶下而色青者。甚則綠如菥豆汁。稠粘不斷。其氣腥臭。所謂青帶也。夫青帶乃肝經之溼熱。肝屬木。木色屬青。帶下流如菥豆汁。明明是肝木之病矣。但肝木最喜水潤。溼亦水之積。似溼非肝木之所惡。何以竟成青帶之症。不知水爲肝木之所喜。而溼實肝木之所惡。以溼爲土之氣故也。以所惡者。合之所喜。必有違者矣。肝之性既違。則肝之氣必逆。氣欲上升。而溼欲下降。兩相牽掣。以停住於中焦之間。而走於帶脈。遂從陰器而出。其色青綠者。正以其乘肝木之氣化也。逆輕者。熱必輕而色青。逆重者。熱必重而色綠。似乎治青易而治綠難。然而均無所難也。解肝木之火。利膀胱之水。則青綠之帶病均去矣。方用加減逍遙散。

脾土喜燥而惡溼。土病溼則木必乘之。木又爲

溼土之氣所侮，故肝亦病，逍遙散減去當歸，妙極。

茯苓五錢，白芍五錢，甘草五錢，柴胡一錢，陳皮一錢，茵陳三錢，梔子三錢。

水煎服。二劑而色淡，四劑而青綠之帶絕，不必過劑矣。夫逍遙散之立法也，乃解肝鬱之藥耳。何以治青帶？若斯其神與！蓋溼熱留於肝經，因肝氣之鬱也。鬱則必逆，逍遙散最能解肝之鬱，與逆。鬱逆之氣既解，則溼熱難留，而又益之以茵陳之利溼，梔子之清熱，肝氣得清，而青綠之帶又何自來！此方之所以奇而效捷也。倘僅以利溼清熱治青帶，而置肝氣於不問，安有止帶之日哉！

黃帶下三

婦人有帶下而色黃者，宛如黃茶濃汁，其氣腥穢，所謂黃帶是也。夫黃帶乃任脈之溼熱也。任脈本不能容水，溼氣安得而入而化為黃帶乎？不知帶脈橫生，通於任脈，任脈直上，走於唇齒，唇齒之間，原有不斷之泉，下貫於任脈以化精，使任脈無熱氣之繞，則口中之津液盡化為精，以入於腎矣。惟有熱邪存於下焦之間，則津液不能化精，而反化溼也。夫溼者，土之氣，實水之侵，熱者，火之氣，實木之生。水色本黑，火色本紅，今溼與熱合，欲化紅而不能，欲返黑而不得，煎熬成汁，因變為黃色矣。此乃不從水火之化，而從溼化也。所以世之人，有以黃帶為脾之溼熱，單去治脾而不得痊者，是不知真水真火合成丹邪元邪，繞於任脈胞胎之任脈云云，較無